



الحمد لله وأشهد أن لا إله إلا الله وحده لا شريك له وأشهد أن محمداً عبده ورسوله صل الله عليه وسلم أما بعد:-

أهلاً ومرحباً بكم في لقاء جديد مع لقاءات لايفات يوم الإثنين، أتمنى إن إحنا قبل ما نبدأ كلنا نعمل شير للفيديو ده بسرعة ومنشن لأحبابنا وأصحابنا بحيث إن كل اللي موجود ينتفع قبل ما نبدأ، اتفقنا؟

النهاردة هنتكلم في أي؟ طبعاً الحدث الأهم والجلل اللي إحنا كلنا منتظرينه هو العشر الاوائل من ذي الحجة، و ده أهم حدث كلنا الآن منتظرينه على شغف ورجاء إن ربنا يبارك لنا وينفعنا بهذه الأيام المباركة، جميل..

طبعاً عارفين إن ما من أيام العمل الصالح فيهن أحب الى الله من هذه الايام، يعني العشر الاوائل من ذي الحجة، تمام؟

والنبي عليه الصلاة والسلام قال أكثروا فيهن من التحميد، والتهليل، والتسبيح، فبين في الحديث إن أفضل عمل ممكن يتعمل في العشر إن الإنسان ينشغل بالتهليل، والتسبيح، والتحميد، والتكبير، بل قال عليه الصلاة والسلام إن أفضل ذكر يتقال يوم عرفة، أو أفضل دعاء يتقال يوم عرفة، اللي هو التهليل.

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «أَفْضَلُ الدُّعَاءِ، دُعَاءُ يَوْمِ عَرَفَةَ. وَأَفْضَلُ مَا قُلْتُ أَنَا، وَالنَّبِيُّونَ مِنْ قَبْلِي: لَا إِلَهَ إِلَّا اللَّهُ، وَحْدَهُ، لَا شَرِيكَ لَهُ، لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ» طيب مجموع الأدلة يدل على إن أفضل عمل علي الإطلاق ينشغل به الإنسان في هذه الأيام هو ذكر الله سبحانه وتعالى، خاصة التهليل لا إله إلا الله، والتحميد، والتسبيح، والتكبير، ونحو ذلك، تمام؟

طبعاً مهم جداً حضور القلب علشان يحصل الأجر الكامل زي ما هنبين النهاردة.

طيب احنا متفقين على النقط دي، يعني أنا النهاردة مش جاي أقول لكم على فضل العشر الأوائل، فاغلبكم عارف تمام؟

ولا جاي اركز على يوم عرفة خصوصا، لكن
النهاردة جاي أقول لكم حاجة جديدة شوية.

أي هي الحاجة الجديدة؟

الحاجة الجديدة إن لما احنا بنحب نسمع عن
فضل الذكر، في أحاديث كثيرة مشهورة في
فضل الذكر، لكن اللي يقرأ في كتب السنة
أكثر شوية يجد أحاديث تانية مش مشهورة
رغم إن هي صحيحة أو على الأقل حسنة،
فببقي كثير لما بقرأ الأحاديث دي بتمنى إن
الناس تسمعها، الناس يعرفوها، بقول ليه
الأحاديث دي مش مشهورة رغم إن هي
صحيحة أو رغم إن منها الحسن، ومنها
الصحيح.

فأنا ببقي نفسي الناس تسمع الأحاديث دي،
لأن في أحاديث كثير مشهورة عن فضل

التسبيح، والتهليل، والتحميد، والتكبير، في أحاديث معروفة، وكلنا عارفينها، لكن في أحاديث جميلة، بتزود طاقة الانسان، بتزود رغبته جداً في إن هو يعني يهتم أوي بقضية الذكر عموماً، وقضية ذكر اللي هو التهليل لا إله إلا الله، سبحان الله، والحمد لله، ولا إله إلا الله والله أكبر خصوصاً يخليها أولوية في حياته.

هنعرف النهاردة إن في فضائل كتير في الذكر ده احنا لا نعلمها بسبب إن احنا مش بنقرأ كتير في الأحاديث وفي السنة.

طيب أنا أنصح بكتاب معين هو اللي هأخذ منه أغلب الأحاديث النهاردة، هو كتاب «الترغيب والترهيب»». للإمام المنذري، الإمام المنذري رحمة الله عليه عمل كتاب كده

مثل كتاب رياض الصالحين بتاع الإمام
النووي، اسمه الترغيب والترهيب و كتاب
رائع جداً، واهتم به العلماء، منهم الإمام
الألباني.

الإمام الألباني اهتم جداً بكتاب الترغيب
والترهيب، عمل كتاب اسمه صحيح الترغيب
والترهيب علق فيه على كل الأحاديث وبين
إيه الحديث الحسن، وإيه الحديث الصحيح،
وإيه الحديث الضعيف، فلو جيت للأبواب
اللي فيها فضل الذكر، فضل لا إله إلا الله،
فضل سبحان الله، والحمد لله، فضل كذا وكذا
هتلاقي فيه أحاديث كثير جداً جميلة.

حسنة وصحيحة واحنا ما نعرفهاش. فالنهاردة
انا جاي النهاردة نتكلم فري بس بحيس ان انا
احاول اقول لكم حاجة جديدة. يعني انتم

فاهمين انا دماغي ماشية ازاي. انا يا اما انا
بحاول اقول لك موضوع قديم بشكل جديد.

او بقول لك موضوع جديد خالص.

يعني تحس ان انت تحس ان انت طلعت
باضافة. يعني اضفت لك حاجة. زي ما قلت
لك حاجة انت عارفها. بس قاتها لك بشكل
جديد بسطتها لك شرحتها لك احسن. ازلت
اشكاليات عندك رتبتهالك في دماغك. او
بحاول اقول لك موضوع جديد خالص.

فالنهارة هعتبر ان انا بحاول اجدد لكم درس
اللي هو فضل التسبيح والتهليل والتحميد بس
بنجدد بشكل ان احنا نسمع النهاردة احاديث
يمكن اغلبنا اول مرة هيسمعها. طيب دورنا
ايه؟ في اللايف دوت اه ان انت لما تسمع
حديث قل لي انت كنت تعرفه ولا ما

تعرفوش؟ استفتدت ولا ما استفتدتش؟ ولو في حد بقى يعني دي مهمة عايزة واحد سريع جدا

لو في حد سريع جدا تلاقيها ايه؟ جدا. على انت دلوقتي وبيقى فاتح معي وبسرعة جدا لما اقول حديث اكتب كده اكتبه بسرعة واعمله كوبي وحطه لي في الشات بحيث الناس تشوفه. واوعى تحطه كذا مرة لغاية ما ايه؟ لحد ما خلصه. بعد كده خش على الحديث اللي بعده. حاول بسرعة تكتبه على انت تجيب وتحطه لي في الايه في الشات. اتفقنا؟ طيب بسم الله. خرينا نبدأ النهاردة باحاديث مميزة. حديث مميز في التهليل. طبعاً انا اتفقت معكم. انا مش هقول احاديث اللي احنا غالباً عارفها يعني هحاول اركز. وفي حاجات طبعاً هنبقى يعني عارفينها نص نص بس حاول نركز

على اللي احنا اول مرة حديث اول ما نسمعه
يعني. في فضل التهليل. عن ابي هريرة
رضي الله عنه قال قال رسول الله صلى الله
عليه وسلم. ما قال عبد لا إله إلا قط
مخلصا. الا فتحت له ابواب السماء. حتى
يفضي الى العرش. ما اجتنب الكبائر. ثاني. ما
قال عبد لا اله الا الله قط مخلصا. الا فتحت
له ابواب السماء. الله! حتى يفضي الى العرش.
شرط ما اجتنب الكبائر. طب تعال نحل
الحديث ده كده واحدة واحدة. ما قال عبد لا اله
الا الله قط مخلصا. يبقى الحديث ده اشترط
اللي يقول يقول بكيفية معينة. وده اللي احنا
بنأكد عليه كثير في كل ما نتكلم عن ذكر او
فضل ذكر ان احنا بنأكد ان حال قلبك مؤثر
ممتاز ايمان ممتازة اول واحدة جابت الحديث

اهو. حال قلبك وانت بتقول الحديث كثير جدا
في الاجر. يعني كل الاجور اللي هي في
في فضائل الذكر الله يحبك يا احمد. الله ينور يا
محمد تقى ان شاء الله. ربنا يبقى تقى. ربنا
يبارك فيكم. آآ اي حديس فيه فضل معين
تمام؟ الفضل ده معلق على شروط. شرط
تدبر شرط تفكر شرط الاخلاص شرط
التركيز والخشوع اما ان انت فاكرا انك هتقول
الذكر كده من اي كلام اي حاجة كده بسرعة
وتعتقد انك انت آآ هتأخذ الاجر كامل؟ لأ
هتأخذ اجر اه تاني انا قاعد قاعدة اي ذكر
هتقوله هتأخذ اجر. حتى لو قاتلوا اي حاجة
ومن غير تركيز هتأخذ اجر. لكن الاجور اللي
هي في الحديث اللي هي الاجر الكبير من قال
سبحان الله وبحمده مائة مرة غفرت له ذنوبه

وان كانت مثل زبد البحر. الكلام ده؟ ما يحصلش الواحد بيقول كده مشي حالك. لأ. انما تحصل هو بيقول ايه. وتدبر بقلبه وتأثر وخشع. لما اقول سبحان الله اجد في قلبي تعظيم لله وتنزيه له عن كل نقص وعيب. لما اقول وبحمده استشعر كمال النعمة وكمال المن والفضل والكلام دوت. وآآ اكون يعني في حال من الاقرار الاعتراف بالنعمة والعجز عن شكرها والكلام الكبير دوت. فانا لما بقول حديث في فضل لازم تعيش الكلمة لا اله الا الله. انا اتبرأ من كل ما يُعبد من دون الله. اتبرأ من عبادة الهوى ومن عبادة الوثن ومن عبادة العقول ومن عبادة الافكار الالحادية ومن عبادة الطبيعة ومن بقى عيش ان انت بتخلص من كل معبود وبتتبرأ من الطواغيت

وبتتبرأ من كل ما يعبد من دون الله سم تسبت
استحقاق الله للعبادة. قولها من قلبك قوي
مخلصا من قال لا اله الا الله مخلصا. طيب
يحصل ايه بقى؟ قال

فتحت أبواب السماء ده معناه ايه معناه يا سلام
بقى لو كمان اللي بيكتب الاحاديث ده يجمعها
لنفسه كده ايه في لوحده بقى كده كانك كتبت
الدرس كله تمام وابقوا هنزل لكم بوست بعد
اللايف دوت تنزلوا لي فيه كل الأحاديث اللي
احنا قلناها. آآ الا فتحت له ابواب السماء. ده
دليل على ان الذكر قبل الدعاء بينفع في اجابة
الدعاء. ما هو فتحت ابواب السماء ده يعني ايه
يعني انت دلوقتي لو دعيت سلكت لو دعيت
الدعوة توصل. تمام يبقى انا من حياتي الحلو
اللي لازم اعملها قبل الدعاء. اكثر من الذكر

من ذكر الله سبحانه وتعالى. تمام فزي ما النبي
كان بيعمل. كان يقول اللهم اني اسألك باني
اشهد انك انت الله لا اله الا انت انت الواحد
الاحد. الصمد الذي لم يلد ولم يولد ولم يكن له
كفوا احد. ثم يسأل صلى الله عليه وسلم. فلزم
المهم قوي عشان كده سيد الاستغفار ايه اللهم
انت ربي لا اله الا انت خلقتني وانا عبدك وانا
على عهدك ووعدك ما استطعت. صح فانا
بأبدأ بمقدمة جميلة أثنى فيها على الله اول
حاجة افتح ابواب السماء. وبعد كده قل اللي
انت ايه قول اللي انت عايزه. فبيقول فتحت له
ابواب السماء حتى يفضي الى العرش الله! لكن
في شرط ما اجتنب الكبائر اه اذا الفضل ده
معلق على شرط. قلنا الشرط الاول الاخلاص
والتدبر. الشرط الثاني ان يجتنب الكبائر. اذا

هذه خطيرة جدا. يعني اذا الانسان وقع في
الكبائر بيخسر حاجات مهمة. يعني فيه افضال
كثير في السنة معلقة على ان انت ما بتعملش
كبائر. رمضان الى رمضان مكفرات لما بينها
اجتنبت الكبائر. الجمعة إلى الجمعة مكفرات
لما بينها اذا اجتنبت الكبائر. آآ وهكذا. قال انت
قال تعالى «ان تجتنبوا كبائر ما تنهون عنه
نكفر عنكم سيئاتكم وندخلكم مدخلا كريما»

يبقى يعني اذا وقعت في ذنب فالتقع في
صغيرة. تعصف كبيرة. مش بقول لك اقع في
الذنوب. يعني حاول وقعتك في صغيرة. يعني
اللي هي يوم ما تقع لا قدر الله ما تقعش في
كبائر لا غيبة ولا آآ فحش في آآ زنا ولا آآ
شرب خمر حياة الكباري اللي هي المشهورة
ودي موضوع ثاني ممكن نتكلم فيه بعدين وخذ

بالك من حاجة قاعدة مهمة. الصغيرة ممكن تتحول الى كبيرة. ازاي ممكن واحد يقول لك طب حلو. طب ما انا بقى ليه اعمل صغائر وخلاص واقضيها صغائر طول حياتي لأ الصغيرة اذا كان الانسان مُصر عليها لا يتوب منها ممكن تتحول الى كبيرة. الصغيرة لو كان الانسان بيجاهر بها ومستهتر بها ممكن تتحول الى كبيرة احنا بنتكلم في الصغيرة اللي انت بتعملها يعني مرة كده يعني مش على طول ومش بتجاهر ومش مستهتر ومش مستخف بربنا لأ. يبقى شرط تجتنب الكبائر فخد بقى عندك كل الافضل سهلة جدا. يعني الامر عند الله في الصغائر ايسر. قال سبحانه وتعالى «الذين يجتنبون كبائر الاثم والفواحش الا المم» الحاجات الصغائر دي عارف لو رحت

لربنا ما عندك كبائر الموضوع اسهل.
الموضوع اسهل. ربنا سبحانه وتعالى يتكفل
بان يغفر لك الصغائر كلها. مع لا اله الا الله
خالصة. وبعدت عن الكبائر. ان شاء الله امر
الصغائر ربنا يغفره. وما فيش حد فينا ما
بيقعش. شوفتوا الحديث الجميل ده طيب
تعالوا اقول لكم حديث تاني اه جميل اوي
الحديث ده عن عبدالله بن عمر يلا القط
الحديث واكتبه ها عن عبدالله بن عمر قال قال
رسول الله صلى الله عليه وسلم الا اخبركم
بوصية نوح لابنه الا اخبركم بوصية نوح
لابنه قالوا بلى قال اوصى نوح ابنه فقال لابنه
يا بني اني اوصيك باثنتين وانهاك عن اثنتين.
اني اوصيك باثنتين عن اثنتين. اوصيك بقول
لا اله الا الله. فانها لو وضعت في كفة

ووضعت السماوات والارض في كفة لرجحت
بهن ولو كانت حلقة لقسمتهن حتى تخلص الى
الله وامرك بسبحان الله وبحمده فانها صلاة كل
شيء وبها يرزق كل شيء. فانها صلاة كل
شيء وبها يرزق كل شيء. الله. طبعاً نهاه عن
بعد كده قال ونهاك عن الكبر والشرك. تاني
قال صلى الله عليه وسلم الا اخبركم بوصية
نوح لابنه قالوا بلى قال اوصى نوح ابنه فقال
يا بني اني اوصيك باثنتين وانهاك عن اثنتين
اوصيك بقول لا اله الا الله.

لو وضعت في كفة ووضعت السماوات
والارض في كفة لرجحت بهن، ولو كانت
حلقة لو فوق الدنيا واقفة لقسمتهن حتى تخلص
الى الله.

وامرك بسبحان الله وبحمده فانها صلاة كل شيء وبها يرزق كل شيء.

الله! سمعت الحديث ده قبل كدا ايه راىكو في الحديث الجميل ده، اكتبوه حديث جميل، وحديث حسن، حسنه الامام الالباني، بيقول له اهتم قوي بانك تقول لا اله الا الله، قال له دي كبيرة قوي عند ربنا، لان اصلا ربنا من اجل لا اله الا الله اصلا خلق السماوات والارض فلا شك انها اثقل من السماوات والارض. وما تحطهاش في حاجة الا سبحان الله ربنا يفكها، تمام؟ وتخلص الى العرش تخلص الى الله.

وبعد كده بيقول له امرك بسبحان الله وبحمده، كده ايه دخلنا الذكر تاني اهو ها بص احنا من دي لـدي وامرك بسبحان الله وبحمده، فانها ايه؟

صلاة كل شيء، وبها يرزق كل شيء، يعني
ايه الكلام ده؟

احنا نعرف معلومتين دلوقتي.

■ **المعلومة الاولى:** - ان سبحان الله وبحمده

صلاة كل شيء صلاة كل شيء، يعني وان
من شيء الا ربنا قال ايه؟ وان من شيء الا
يسبح بحمده، وان من شيء الا يسبح بحمده،
يبقى يقولوا ايه؟ يقولوا سبحان الله وبحمده،
وان من شيء الا يسبح ايه بحمده، يعني
يقولوا سبحان الله وبحمده، يبقى سبحان الله
وبحمده صلاة كل شيء، يعني كل شيء
بيصلي يدعو الله، كل شيء بيتعبد لله ويقول له
سبحان الله وبحمده، يبقى انا لما اقول سبحان
الله وبحمده انا بمشي مع الكون، بمشي مع
الملائكة، بمشي مع الشجر والحجر

والسماوات والارض والبحار، كل ده بيحبني،
الارض تحبني، السما تحبني، اذا كل ده ييسر
لي وكل ده يسخر لي، صلاة كل شيء.

وبعد كده قال كلمة جامدة اوي، قال وبها
يرزق كل شيء.

الله! الله! اذا معلومة جديدة في الحديث دوت
خدوها، واحمدوا ربنا، قولوا الحمد لله يا رب
ان احنا عرفنا الحديث ده، قولوا الحمد ان انت
يا رب علمتنا الحديث ده، احنا ما كناش
نعرفه، قال وبها يرزق كل شيء، اذا الحديث
ده حديث حسن بيقول لنا ان اللي عايز ربنا
يرزقه يكثر من قول سبحان الله وبحمده،
سبحان الله وبحمده سبب للرزق، وده جديد ها؟
جديد اهو، سبحان الله وبحمده سبب للرزق، انا
انا قلت لكم عشان برضو الناس اللي لسه

داخلين اللايف، انا مش هقول في في اللايف
ده احاديث مشهورة، انا بقول الاحاديث اللي
مش مشهورة بس، يعني طبعاً ممكن اقول لك
من قال سبحان الله وبحمده غرست له نخلة في
الجنة، لا انا مش هقوله ده انتم عارفينه، اه
كلمتان سقيتان في الميزان حبيبتان الى
الرحمن، كلكم عارفينه، انا مش هقول دولاً،
انا بقول الاحاديث اللي مش مشهورة، اللي
هتضيف لك معلومة جديدة، سبحان الله وبحمده
بها يرزق كل شيء، الله! جامدة! جميلة!

طب انا عندي مشكلة مادية عندي (اه اه انا
بقراً في كتاب الترغيب والترهيب). اه اه انا
عندي اه الدنيا ضيقة معي، اهو حل اهو، سبب
اهو، اكثر من قول سبحان الله وبحمده، عندي
ولاد كتير والدنيا مش ماشية معي، اه عايز

اتجوز، اكثر من قول سبحان الله وبحمده، بها
يرزق كل شيء، الله! تمام.

طبعاً فيه حديث نص مشهور، حاقوله بسرعة
انت هتلاقيكم ايه؟ عارفينه.

عن عبدالله بن عمرو بن العاص ان الرسول
عليه الصلاة والسلام قال ان الله يستخلص
رجلاً من امتي على رؤوس الخلائق يوم
القيامة، فينشر عليه تسعة وتسعين سجلاً كل
سجل مثل مد البصر، تسعة وتسعين سجل مثل
مد البصر ذنوب، ثم يقول اتنكر من هذا شيئاً؟

الحديث ده بيسموه حديث صاحب البطاقة،
اتنكر من هذا شيئاً؟

■ **اظلمك كتبتي الحافظون؟** فيقول لا يا رب،
فيقول افلك عذر؟ فيقول لا يا رب، فيقول هل

لك عندنا حسنة؟ فيقول لا يا رب، فيقول بل ان
لك عندنا حسنة، في حاجة انت ناسيها، وانه لا
ظلم عليك اليوم، فتخرج بطاقة فيها اشهد ان لا
اله الا الله واشهد ان محمدا عبده ورسوله،
فيقول احضر وزنك، يعني هات لنا دي كلها
فيقول يا رب ما هذه البطاقة مع هذه
السجلات؟ فقال فانك لا تظلم فتوضع
السجلات في كفة والبطاقة في كفة فطاشت
فطاشت السجلات وثقلت البطاقة.

خير من أنتم بين ظهرائه الا من عمل مثلكم،
هتقول لي: الحديث ده بسرعة عشان الناس
تقراه.

قال: أَلَا أُحَدِّثُكُمْ إِنَّ أَخَذْتُمْ أَدْرَكْتُمْ مَن سَبَقَكُمْ وَلَمْ
يُدْرِكْكُمْ أَحَدٌ بَعْدَكُمْ، وَكُنْتُمْ خَيْرَ مَن أَنْتُمْ بَيْنَ
ظَهْرَانِيهِ إِلَّا مَن عَمِلَ مِثْلَهُ

قالوا له بقی: قل لنا بقی، إیه الحاجة اللي
تخلينا نعدي الناس ديت؟ قال صلى الله عليه
وسلم: تُسَبِّحُونَ وَتَحْمَدُونَ وَتُكَبِّرُونَ خَلْفَ كُلِّ
صَلَاةٍ ثَلَاثًا وَثَلَاثِينَ تَحْمَدُونَ، تَسَبِّحُونَ
وَتَحْمَدُونَ وَتُكَبِّرُونَ الله خلف كل صلاة ثلاثة
وثلاثين.

قال لهم: لو عملتوا دي خلف كل صلاة؛ هي
دي الفكرة، إن هي مش مش مرة؛ عشان كده
بقول لك هو الموضوع بيان سهل، لا، بس هو
مش سهل.

كل صلاة، هو اشترط كل صلاة؛ كل صلاة
تعمل كده.

إذا للأسف

◆ اللي أصلا مش محافظة على الصلاة
طلعت برة الموضوع.

◆ يعني لو واحدة بنت منكم مش بتصلي
الفجر أصلا هي طلعت برة رمضان أصلا،
وهي طبعاً بتعمل كبيرة من أكبر أو يتكاد
تكون أكبر كبائر الاسلام على الإطلاق كل
يوم فما تكلمنيش في الحديث دوت أصلا،
نبتي نصلي وبعد كده نتفاهم.

فأولا عندنا كذا واحد طلع برة الحديث ده؛
عشان ما نفتكرش الموضوع سهل.

← **أولاً:-** اللي مش محافظ على الصلاة أو
مش محافظة على الصلاة؛ يعني بتصلي
صلوات في اليوم والخمسة بتقع؛ بتجمع
مغرب مع عشاء، بتجمع ظهر مع العصر لما

بترجع من الكلية، كل دول برة برة الحديث،
شاب ما بيصلش الفجر في الوقت

وقت الفجر يعني قبل الشروق برة برة الحديث
انت كده مش موجود معانا؛ لأن لازم دبر كل
صلاة، دبر كل صلاة.

طيب ده أول واحد برة اللي مش محافظ على
الصلاة مش معنا. مش معنا. ملكش الاجر
دوت، ما تحاولش، لو قعدت اربع صلوات من
خمسة تعمل كده لأ. كل صلاة.

☞ اللي بيحافظ على الخمس صلوات لكن،
لا هو ما قلش هنا صلاة جماعة وقال صلاة
وخلص، فدي يستوي فيها صلى جماعة أو ما
صلاش جماعة. ده أجر مستقل.

لكن واحد بيصلي الخمس صلوات، أو واحدة بتصلي الخمس صلوات لكن مرة تختم الصلاة ومرة ما تختمش، مش معنا، خلاص مش موجود معنا ده في الإيه؟ مش موجود معنا في الحديث، لازم دبر إيه؟ كل صلاة.

فلو واحدة أو واحد بيصلي الخمس صلوات لكن مش محافظ على أن هو بعد الصلاة يسبح ويحمد ويكبر ثلاثا وثلاثين ما ياخدش الأجر.

لازم دبر كل صلاة؛ عشان كده قلت لكم هو الموضوع مش سهل. أنتم عارفين مشكلتنا بعد الصلاة بيحصل إيه؟ بيحصل ميت الف حاجة عشان تمنعنا من الأذكار دي. بيحصل، بيحصل إي؟ ميت الف حاجة عشان تمنعنا من الأذكار ديت.

✽ بتلاقي أول ما نخلص صلاة بتلاقي لازم
سبحان الله حد ينط لك بيكلمك، ما تعرفش ليه،
يعني انا عايز اقعد يا جماعة اختم الصلاة، لو
سمحتم اختم الصلاة. لأ هو سبحان الله!

أول ما تقول: السلام عليكم ورحمة الله السلام
عليكم ورحمة الله كل الدنيا عايزاك؛ تنادي
عليك.

✽ اه اختك تنط على كتفك.

✽ اه اخوك عايز يضربك.

✽ اه اللي راجل في المسجد طلبت معه
يسألك سؤال دلوقتي.

✽ اه واحد عايز يسلم عليك قبل ما يمشي.

مش سهلة، مش سهلة. الموضوع عايز حرب.

عايز ابقى انا صلب؛ عشان اقدر اتماسك في
وسط المشغلة دي، واقدر احافظ أن أنا اقدر
اقولهم آآ ما حدش يشغلني عنهم؛ لان بيحصل
مشكلة.

واحنا بنقول رسالة لكل هؤلاء الناس اللي
بيحرمونا من الأجر دوت: ارحمونا، ارحمونا،
رفقا بنا، رفقا بنا؛ بنضيع بسببكم، يعني يا
ريت يعني اللي يكلمني بعد الصلاة بلاش
تكلمني بعد الصلاة على طول، ارجوك سبني
اختم أنا عايز دقيقتين بس اختم الصلاة،
ارجوك ما تحرمني من الأجر دوت.

آآ رسالة الى إلى الأخ والأخت اللي بينط على
كتفك بعد الصلاة يعني لو سمحت سبني

أحب الكلام إلى الله أربع: سبحان الله، والحمد لله، ولا إله إلا الله، والله أكبر. لا يضرك بأيهن بدأت، " لا يضرك بأيهن بدأت" هي دي الكلمة اللي أنا عايزها، ليه أنا بقول كده؟ عشان ممكن افرض واحد اتلخبط ما قالهاش بالترتيب، قال الحمد لله وسبحان الله والله أكبر ولا إله إلا الله تفرق؟ لأ. لا يضرك بأيهن بدأت. فأننا قلت الرواية دي بس عشان الموضوع ده وإلا فالحديث ده مشهور وأنا قلت مش هقول أحاديث مشهورة، أحب الكلام إلى الله. طيب حديث تاني.. اه بص الحديث ده مش مشهور برضو، قال عن أبي هريرة رضي الله عنه قال: قال رسول الله صلّ الله عليه وسلم "صلوا على النبي ها وعلى طول صلوا على النبي معايا" قال إن الله اصطفى

من الكلام أربعاً.. الناس اللي عارفة الأحاديث
دي ناس ممتازة^{٨٨} انتم كده بتقرأوا بس أنا
متأكد أغلب الناس مش عارفينها يعني، نرجع
تاني عن أبي هريرة رضي الله عنه قال: { قال
رسول الله صلّ الله عليه وسلم أن الله اصطفى
من الكلام أربعاً "سبحان الله والحمد لله ولا إله
إلا الله والله أكبر" فمن قال سبحان الله كُتِبَ له
عشرون حسنة وحُطَّت عنه عشرون سيئة،
ومن قال الله أكبر فمثل ذلك، ومن قال لا إله
إلا الله فمثل ذلك ومن قال الحمد لله رب
العالمين من قبل نفسه كُتِبَ له ثلاثون حسنة
وحُطَّت عنه ثلاثون سيئة. } "من قبل نفسه
يعني :- من غير الفاتحة يعني قال كذا لوحده
مع نفسه كذا قال الحمد لله رب العالمين" - يبقى
أنا بس قاعد كده مع نفسي كده بس أقول الحمد

لله رب العالمين أخذت ثلاثين حسنة وتتحط
عنك ثلاثين سيئة! سبحان الله بعشرين، الحمد
لله بعشرين، لا إله إلا الله بعشرين، شغل جامد
٨٨ شفتم الحديث ده؟ مكنثوش عارفينه صح؟
أقول لكم حديث تاني؟ صلوا على النبي بقى ٨٨

حديث أبي سلمى { قال صلّ الله عليه وسلم.
اكتبوه بقى يعني عايز حد يجيبهولي بسرعة،
حديث قصير، قال صلّ الله عليه وسلم: بخ بخ
لخمس.. "بخ بخ كلمة استحسان يعني حاجة
جميلة أوي " بخ بخ لخمس ما أثقلهن في
الميزان: لا إله إلا الله، وسبحان الله، والحمد
لله، والله أكبر، والولد الصالح يتوفى للمرء
فيحتسبه { والولد الصالح يتوفى للمرء فيحتسبه
الله!! بشرى وعزاء لكل من مات لها ولد
صالح ولكل من مات له ولد صالح النبي صلّ

الله عليه وسلم يقول ما أثقل ذلك في الميزان!
إذا مات ولد صالح احتسبه الإنسان عند الله
سبحانه وتعالى. "قال: بخ بخ لخمس ما أثقلهن
في الميزان لا إله إلا الله، سبحان الله، والحمد
لله، والله أكبر، والولد الصالح يُتوفى للمرء
المسلم فيحتسبه." إيه رأيك في الحديث ده؟
حلو صح؟ حديث جميل أوي^{٨٨} اللهم صل
وسلم على سيدنا محمد. طيب حديث عائشة
رضي الله عنها، هي الرواية بس هي اللي
جديدة بس مضمون الحديث معروف بس هي
الرواية اللي جديدة. بتقول إيه الرواية دي؟ عن
عائشة رضي الله عنها أن رسول الله صلّ الله
عليه وسلم قال: خُلق كل إنسان من بني آدم
على ستين وثلاث مائة مفصل ٣٦٠ مفصل،
بص ده إيه؟ بص ده مفصل وده مفصل. وده

مفصل. كل دي مفاصل، عندي هنا كم مفصل
في جسمي؟ ٣٦٠ مفصل خُلق كل إنسان من
بني آدم على ستين وثلاث مائة مفصل، طبعاً
المفروض كل

كل يوم تشكر الـ ٣٦٠ مفصل، تعمل حسنة
مقابل كل واحد يبقى أنا عاوز ٣٦٠ عمل
صالح!

"فَمَنْ كَبَّرَ اللَّهَ، وَحَمِدَ اللَّهَ، وَهَلَّلَ اللَّهَ، وَسَبَّحَ اللَّهَ،
وَاسْتَغْفَرَ اللَّهَ، وَعَزَلَ حَجَرًا عَنْ طَرِيقِ النَّاسِ،
أَوْ شَوْكَةً، أَوْ عَظْمًا عَنْ طَرِيقِ النَّاسِ، وَأَمَرَ
بِمَعْرُوفٍ، أَوْ نَهَى عَنْ مُنْكَرٍ، عَدَدَ تِلْكَ السِّتِّينَ
وَالثَّلَاثِ مِائَةِ السُّلَامَى -فَإِنَّهُ يَمْشِي يَوْمَئِذٍ وَقَدْ
زَخَزَحَ نَفْسَهُ عَنِ النَّارِ"

"فَإِنَّهُ يَمْشِي يَوْمَئِذٍ وَقَدْ زَحَزَحَ نَفْسَهُ عَنِ النَّارِ"
هي دي الحطة الجميلة اللي مستنيها يعني لو
قلت بس في الأذكار ٣٦٠ ذكر ما يعني نوعت
"سبحان الله والحمد لله ولا إله إلا الله والله أكبر
والحمد لله" قلتهم ٣٦٠ مرة التنويعه دي كده
خلص يومي لا أدخل النار، أنا زحزحت نفسي
عن النار خلاص.. ما رأيكم!

في الرواية الثانية أن ركعتي الضحى يغنوا
عن ذلك، يعني لو أن الإنسان صلى بعد
الشروق بثلاث ساعة إلى ما قبل الظهر بخمس
دقائق ركعتين يغني عن كل ذلك، لكن أنا
افترض أنك ستفعل ذلك.

حديث آخر غير مشهور: "جاء أعرابيُّ إلى
النَّبِيِّ صَلَّى اللهُ عَلَيْهِ وَسَلَّمَ فقال : يا رسولَ الله
عَلِّمْنِي كَلَامًا أَقُولُهُ قال : (قُلْ : لا إِلَهَ إِلَّا اللهُ

وَحْدَهُ لَا شَرِيكَ لَهُ اللَّهُ أَكْبَرُ كَبِيرًا وَالْحَمْدُ لِلَّهِ
كَثِيرًا وَسُبْحَانَ اللَّهِ رَبِّ الْعَالَمِينَ وَلَا حَوْلَ وَلَا
قُوَّةَ إِلَّا بِاللَّهِ الْعَلِيِّ الْعَظِيمِ الْعَزِيزِ الْحَكِيمِ (قَالَ
: هَؤُلَاءِ لِرَبِّي فَمَا لِي ؟ قَالَ : (قُلْ : اللَّهُمَّ
اغْفِرْ لِي وَارْحَمْنِي وَاهْدِنِي وَارْزُقْنِي) قَالَ أَبُو
حَاتِمٍ رَضِيَ اللَّهُ عَنْهُ : كَلَّمَا جَاءَ أَعْرَابِي إِلَى
النَّبِيِّ صَلَّى اللَّهُ عَلَيْهِ وَسَلَّمَ فَقَالَ : يَا رَسُولَ اللَّهِ
عَلِّمْنِي كَلَامًا أَقُولُهُ قَالَ : (قُلْ : لَا إِلَهَ إِلَّا اللَّهُ
وَحْدَهُ لَا شَرِيكَ لَهُ اللَّهُ أَكْبَرُ كَبِيرًا وَالْحَمْدُ لِلَّهِ
كَثِيرًا وَسُبْحَانَ اللَّهِ رَبِّ الْعَالَمِينَ وَلَا حَوْلَ وَلَا
قُوَّةَ إِلَّا بِاللَّهِ الْعَلِيِّ الْعَظِيمِ الْعَزِيزِ الْحَكِيمِ) قَالَ
: هَؤُلَاءِ لِرَبِّي فَمَا لِي ؟ قَالَ : (قُلْ : اللَّهُمَّ
اغْفِرْ لِي وَارْحَمْنِي وَاهْدِنِي وَارْزُقْنِي)

وهذا فيه دليل أن الإنسان إذا طلب بعد الذكر
هذا أقرب للإجابة... تمام؟

فالأعرابي قال ده كله لله، رغم أنه لو قال
الذكر فقط سيعطيه الله مش لازم تطلب

بس أنا عاوز اطلب فقال له صلى الله عليه
وسلم قل: "اللهم اغفر لي وارحمني واجبرني
وارزقني وعافني واهدني" قال: "فإنها تجمع
الدنيا والآخرة".

خلص لك الدنيا حاول أن تلحمهما في بعض:
قل سبحان الله ثم قل اللهم اغفر لي قل الحمد
لله ثم قل اللهم ارزقني قل لا إله إلا الله ثم قل
اللهم اهدني الله أكبر ثم قل اللهم بارك لي
ونوع بقى، بحيث أنك قبل كل دعوة تقول ذكر
فيكون أقرب للإجابة شوف حديث جميل

ازاي!

❦ وهذان حديثان أيضاً:- قال صلى الله

عليه وسلم في حديث أبي هريرة: "خذوا
جُنَّتَكُمْ-يعني ايه جُنَّة؟ يعني الوقاية، خذ الحماية
بتاعتك، خذ الوقاية- قالوا يا رسول الله من
عدُوِّ حُضْرٍ؟-ناخذ الحاجات دي ليه؟ هل
هناك عدو أو شيء ما؟ قال لا ولكن خُذُوا
جُنَّتَكُمْ مِنَ النَّارِ وقولوا سبحان الله والحمد لله
ولا إله إلا الله والله أكبرُ فَإِنَّهُنَّ يَأْتِينَ يَوْمَ
الْقِيَامَةِ مَقَدَّمَاتٌ وَمَوْخَرَاتٍ وَمَنْجِيَاتٌ وَهُنَّ
الْبَاقِيَاتُ الصَّالِحَاتُ"

لا ولكن جُنَّتَكُمْ مِنَ النَّارِ، قولوا سبحان الله
والحمد لله ولا إله إلا الله والله أكبرُ فَإِنَّهُنَّ يَأْتِينَ
يَوْمَ الْقِيَامَةِ مُجْنِبَاتٌ وَمَعْقَبَاتٌ وَهُنَّ الْبَاقِيَاتُ
الصَّالِحَاتُ. يعني إيه مجنبات؟ ومعقبات؟
مجنبات يعني تأتي في المقدمة، ومعقبات يعني

تأتي من الخلف، يعني بتيجي تحميك من قدام
ومن ورا تجيلك من قدام كده تعمل عليك
حماية وتيجي من ورا تعمل عليك حماية،
مجنبات ومعقات مجنبة يعني بتيجي من قدام
تحميك من قدام، معقات يعني بتيجي من ورا
بتحرسك من ورا فإنهن مجنبات ومعقات
وهن الباقيات الصالحات. إذن الذكر ده يوم
القيامه يحميني من أي ضرر، ويحميك في
قبرك، يجي لعذاب القبر يقول لا ما فيش ما
فيش الراجل ده نحميه من قدام ومن ورا ومن
كل حاجة. تمام! فشوف الحديث ده جميل
ازاي؟ حديث جميل أوي. عايزين تاني؟ ٨٨
أنا هقول ثلاث أحاديث بس ثلاثة بس خلاص؟
هقول ثلاث أحاديث بسرعة في أقل من خمس
دقايق. أصل أنا صعبان عليا الأحاديث دي ما

تسمعوهاش، يلا عن النعمان بن بشير: { قال رسول الله صلّ الله عليه وسلم: إن مما تذكرون من جلال الله التسبيح والتهليل والتحميد ينعطفن حول العرش، لهن دوي كدوي النحل تذكر بصاحبها، أما يحب أحدكم أن يكون له أو لا يزال له من يذكر به ! { هاتهو لي بسرعة الحديث ده، إيه الجمال دا! إيه جمال الحديث دا!! احنا ازاي مش عارفينه؟! احنا كنا عايشين إزاي قبل ما نعرف الحديث ده؟! قال صلّ الله عليه وسلم أن مما تذكرون من جلال الله تسبيح والتهليل والتحميد ينعطفن يعني بيدوروا حوالين العرش، لهن دوي كدوي النحل دوي دا اللي هو زن النحل اللي هو "ممممممم" طيب دوي النحل دا بيقلوا فيه إيه؟ بيقلوا اسمك

٨٨ طول ما انت شغال بيتقال اسمك!! تُذكر صاحبها تُذكر يعني تقول اسمك عند العرش ٨٨. أما يحب أحدكم أن يكون له أو لا يزال له من يُذكر به!! هو مين ما يحبش كده يا رب؟ مين ما يحبش إن اسمه على طول "مممممم" دوي نحل حوالين العرش! مثل هذا الشخص يخش النار؟؟ لا الظن بالله إن ده ما يخشش النار أبدًا، ده على طول بيُذكر عند العرش، فإذا لقي الله! ده اسمه بيتقال على طول يا جماعة يخش النار ازاي؟ شفتم بقى الكلام الكبير! ازاي الحديث دا احنا مش عارفينه! قولوا الحمد لله إن احنا اتعلمنا الحديث ده ٨٨. قولوا ازاي احنا ما كناش عارفينه؟ ده جميل أوي!! ها اقولكم حديث كمان؟ الحديث ده جميل أوي، هقولكم آخر

حديثين، { قال عن جويرية رضي الله عنها } .
شكر ال الناس اللي بتجيب الأحاديث دي ناس
رائعة الصراحة وانا متأكد في ناس كتير تاخده
كوبي وتحطه عندها اجمعوا لي بقى الأحاديث
دي كلها كده عشان دي هتخليك تديك روح
جديدة للذكر^{٨٨}، م الأحاديث الثانية انت
عارفها ده الجديد بقى ده الجديد وكلها أحاديث
صحيحة. ده الجديد شيله بقى معك ده في الباقية
بتاعة فضل الأذكار، غير المشهور ده مش
مشهور، شفتكم علمتكم كام حديث مش مشهور
النهاردة؟^{٨٨} { عن جويرية بنت الحارث زوج
النبي عليه الصلاة والسلام، أن النبي صلّ الله
عليه وسلم خرج من عندها ثم رجع بعد أن
أضحى وهي جالسة { خرج من عندها راح
فين؟ راح يصلي الفجر رجع امتى؟ رجع بعد

ما صلى الضحى، يعني مثلا سابها قد إيه؟
سابها حوالي ساعة ونص مثلا...

فهي كانت قاعدة في البيت بتذكر الله؛ فقال ما
زلت على الحال التي فارقتك عليها؟

انتى لسه قاعدة بتذكري ربنا من ساعة ما
سبتك، بقالك ساعة ونص كده؟ قالت نعم، حلو.

❧ ساعة ونص شوف همة النساء يا
جماعة، مش بتصلي الفجر وتنام! مش بتصلي
الفجر وما تقولش الاذكار، دي بتصلي الفجر
وتقعد ساعة ونص تذكر ربنا لغاية الضحى
وتصليها.

❧ المهم النبي عليه الصلاة والسلام قال لها
اي؟

قال " لقد قلت بعدك اربع كلمات، ثلاث مرات، لو وزنت بما قلت لوزنتهن "

❧ يعني لو اللي انا قلته ده اتحط في ميزان والساعة ونص بتاعتك اتحطت في ميزان زيهم

لوزنتهن ((سبحان الله وبحمده عدد خلقه ورضا نفسه وزنة عرشه ومداد كلماته)) ثلاث مرات

❧ قال لها انا قلت الكلام ده الاربع كلمات دول قلتهم ثلاث مرات، دولا في الميزان ساعة ونصف بتاعتك.

❧ في بعض الروايات إن ده حصل مع صفية رضي الله عنها وكانت سبحت اربعة آلاف تسبيحة، على ما النبي جه كانت سبحت اربعة

آلاف تسبيحة، شوفوا بقى ازاي ده نغفل عنه
وما نقولوش في اذكار الصباح، ما نركزش
فيه، ما نهتمش بيه، ما نكروتوش، ما نخشعش
فيه، حاجة كبيرة اوي!!

⊖ اخر حديث وخلص، كفاية مع ان في ثاني
بس خلاص انا هاقول اخر واحدة، بس اخر
واحد ده جامد اوي. انا متأكد ما حدش فيكم
سمعه قبل كده بس الحديث ده بقى جامد يعني
عايز بقى يتجاب بسرعة والناس تحاول تركز
في الشات لانه حديث طويل اوي. والذكر اللي
هقوله ده اتمنى ان انت تقوله ولو كل يوم مرة.
هو طويل قوي، عايز يتكتب عايز تقراه مش
هتعرف تحفظه عايز تقراه فخليه قدامك واكتبه
في ورقة وعلقه على الحيطه على المكتب
وحاول تقوله ولو كل يوم مرة؛ لان الحديث ده

حسن حسنه الالباني بص بقى اسمعني وهاتلي
الحديث بسرعة

((عن ابي امامة رضي الله عنه قال رآني
النبي صلى الله عليه وسلم وانا احرك شفتي

"ابو امامة يحرك شفتي" فقال لي بأي شئ
تحرك شفتيك يا ابا امامة؟ قال قلت اذكر الله يا
رسول الله فقال الا اخبرك باكثر وافضل من
ذكرك بالليل والنهار؟ "يعني هقول لك بيدي له
يا جماعة هدية يقول له هقول لك ذكر لو قلته
ياخذ كأن احسن من انك تذكر ربنا طول الليل
وطول النهار. ثاني؟ هقول لك ذكر دلوقتي يا
ابو امامة احسن ما تذكر ربنا طول الليل
وطول النهار، ايه بقى ده؟ ده جامد قوي"
فقلت بلى قال قل سبحان الله عدد ما خلق
سبحان الله ملء ما خلق سبحان الله عدد ما في

الارض والسماء سبحان الله ملء ما في
الارض والسماء سبحان الله عدد ما احصى
كتابه سبحان الله ملء ما احصى كتابه سبحان
ظه عدد كل شيء سبحان الله ملء كل شيء
الحمد لله عدد ما خلق والحمد لله ملئ ما خلق
والحمد لله عدد ما في الارض والسماء والحمد
لله ملء ما في الارض والسماء والحمد لله عدد
ما احصى كتابه والحمد لله ملء ما احصى
كتابه والحمد لله عدد كل شيء والحمد لله ملء
كل شيء)). وفي رواية ويكبر مثل ذلك.

يعني يقول الله اكبر بنفس الطريقة. ايه رأيكم
في الحديث ده؟

الحديث ده مش مش ممكن حد يكون عارفه.

قاله هقولك ذكر يعدل كل إلهي أنت بتقوله

لو ذكرت ربنا الليل والنهار دا ذكرك الليل
والنهار

طبعاً هيكون في خلاف يا محمد في بعض
الأحاديث بس أنا بعتمد دائماً إختيارات الألباني
، والإمام الألباني حسنه خلاص ، أنا بالنسبالي
الألباني هو اللي مقدم في الحديث ، فلو
الحديث بالنسبالي حسنه الإمام الألباني يبقي
خلاص أنا بالنسبالي هو دا المعتمد ممكن
يكون ضعفه غيره علي عيني وعلي رأسي
بس أنا هعمل بيه لأن أنا بعتمد الإمام الألباني
نمره واحد عندي

تمام ؟ قال قل " سبحان عدد ما خلق سبحان
الله ملء ما خلق...." وبعدين هو كذا كذا دي
أذكرك يعني ميضرش قول دي أذكرك مش

مشكله حتي لو.... ، الأذكار أمرها واسع ، هو
ذكر طيب أي المشكلة بس الإمام الألباني
حسن الحديث دا

قال. "سبحان الله عدد ما خلق، سبحان الله ملء
ما خلق، سبحان الله عدد ما في الأرض،
سبحان الله ملء ما في الأرض والسماء،
سبحان الله عدد ما أحصى كتابه، سبحان الله
ملء ما أحصى كتابه، سبحان الله عدد كل
شيء، سبحان الله ملء كل شيء، الحمد لله
عدد ما خلق، والحمد لله ملء ما خلق، والحمد
لله عدد ما في الأرض والسماء، والحمد لله
ملء ما في الأرض والسماء، والحمد لله عدد
ما أحصى كتابه، والحمد لله ملء ما أحصى
كتابيه، والحمد لله عدد كل شيء، والحمد لله
ملء كل شيء "

مش هيضرنا إن احنا نقوله مرة في اليوم مش
هيضرنا ، سواء ثبت الفضل دا له أو مثبتش
هنقول حسنه الألباني ، ممكن ضعفه الشيخ
مصطفى العدوي علي عيني وعلي رأسي لكن
كدا كدا مش هيضرني قوله ، دا كدا كدا ذكر
يعني أنا مش بتعبد عبادة جديدة ، هو داخل في
ضمن أذكار

..قوله.. ذكر جميل كأنه ورد عن السلف
ميضرنيش والله ثبت الحديث ثبت ، مثبتش
مش هنضر في حاجه ... خدت الفضل خدته ،
طلع الفضل لا مش ثابت أو ووي مش
هيضرني

قوله مرة... قوله مرة تمام؟! بس كدا 😊

كفاية عليكموا أي رأيكموا في موضوع
النهارده؟!

أنا عايز بقي تجمعوا الأحاديث دي وتكتبوها
كدا كلها وتقرأوها كتير بقي

قد أي دا هيفزكم إن الايام الجاية إالي هي
أيام العشر إالي هي أفضل عمل فيها الذكر
تنشغلو جدا بالآذكار كأن جددنا المعاني
النهارده أحننا الموضوع تاني كدا سمعت
أحاديث جديدة وأحاديث جميلة وفضائل جديدة

يعني هو النهاردة بنحاول إن إحنا نعمل حاجه
جديدة فيارب يكون اللقاء عجبكم ويمكن دا
يفتحنا باب إن أنا دائما اجبلخوا أحاديث مش
مشهورة بس هي صحيحة وبالتالي يبقى فيها
اي؟! فائدة كبيرة ليكم بس كدا 😊 أنا خلصت
كان في أحاديث تانية لكن كفاية كدة ، بس هو
الموضوع جميل ، عموما بيعمل بالضعيف في

الفضائل الدكتور محمد طبعاً بيضافنا بس أنا
بفترض يعني إن أنا كمان...

علي فكرة لو قلت بقي الأحاديث الضعيفة اللي
هي ضعفها يسير

الدكتور محمد اشارلنا إشارة جميلة أنا تجنبت
الضعيف تماماً لكن أنا لو كمان (علي إعتبار
قول بعض العلماء إن الأحاديث الضعيفة يعمل
بيها في فضائل الاعمال ودا قول صحيح)

لو قتللكوا بقي الأحاديث الضعيفة اللي ضعفها
يسير اوووووف أحاديث كثيرة ، بس أنا
قلت بلاش الأحاديث الضعيفة خالص خرينا في
الحسن والصحيح إلی مش مشهور تمام

انا بحبكم في الله وأرجو إن إنتو تكونوا
استفدتوا اوي من الموضوع دا اللایف الجاي

هيبقي عن اي؟! أنا مش عارف ، هنرجع
للخنقات والترندات والردود الله أعلم بس كان
لازم ناخدوا نفس كدا كل فترة نجدد فيه
الإيمان عشان مش كل مرة تبقي مشاكل، لا
هنحي قلوبنا عشان احنا نزيد إيمان عشان
نتحمل إلهي جاي من أعباء الدين وأعباء
الدعوة تمام!! بس بالمناسبة في بكرة فيديو
هينزل مفاجأة

دورة جديدة هنتكلم فيها في حاجة مهمة..
فياريات تستنوا فيديو هينزل بكره ..دورة
جديدة مهمة هتكون دورة ليها سكة كدا تانيه...
مش هقولكوا علي حاجه أنا هسبهاكم
مفاجأة...بس بكره انتظروا فيديو مهم هينزل

بس أنا عايز أطلب منكم حاجة!! كلكم اشتركوا
في الدورة

هي الدورة هيكون ليها اشتراك مادي يسير ؛
لأن هي تبع منصة لنحيا بنور بس صدقوني
والله القيمة هتبقى كبيرة جدا جدا جدا انا مش
هحرق المفاجأة خليها بكره

جزاكم الله خيرا ﴿٢٤﴾ اشوفكم بقي علي خير
في اللاييف الجاي ويارب تكونوا جمعتموا
الأحاديث دي واستفادتموها

اشوفكم على خير إن شاء الله سبحانه اللهم
ربنا وبحمدك أشهد أن لا إله إلا أنت أستغفرك
واتوب إليك.

أنا بدعيلكم كلكم ربنا يرضي عنكم ويهديكم
وينجحكم ويبارك في أولادكم ويرحم امواتكم

وَجَزَايَكُمْ خَيْرَ السَّلَامِ عَلَيْكُمْ وَرَحْمَةُ اللَّهِ
وَبَرَكَاتُهُ